

Fungki munimentum in monte ejusdem nominis est.

Flumina. Lu flumen, quod & Nu dicitur, fluit urbi vicinum, ejus origo è regno Tufan est.

Chinghoa lacus ad urbis ortum totus Lien floribus constitutus est.

Civitates militares.

Absolutis urbibus militaribus duæ suffunt civitates, quæ nulli subsunt urbi, in his, ut in urbibus, milites ac cives simul habitant: prima est Pexing, secunda Sinhoa; illa Borealem provinciæ partem occupat, hæc Australem.

Montes. Ad partem Australem Pexing mons est Kieulung altissimus. Tung mons ad ortum, Utung mons ad occasum; Sinhoa vero civitas Barrolybicu[m] versus Falung montem haber, & ad Boream montem Chezung, in quo calidus fons.

Flumina. Ad Australes partes Pexing lacus est, Chin dietus, hic ex ruina ingentis oppidi effectus est, quod ob incolarum sceleris, terræ hiatu absorptum referunt ipsimet Sinæ; præcipue ejus habitatores ex familia & affinitate Chin fuisse traduntur, indeque lacui nomen factum; atque hic ille lacus est, in quo non nisi puerum unicum, supra ligna vectum, communem evasisse stragem scribunt: ex quo multo magis confirmatur M. Pauli genuina intellectio de hoc loco, quem miror in Europæis mappis ad quadragesimum gradum vulgo ponit, forte ut errorem errore confirmet, id factum, alias enim Catayum ad quinquagesimum statuere non potuissent, Veneti minime intellecta mente, ac verbis.

Provincia munimenta.

Ex his alia majora, minora sunt alia; alia nulli subjecta alteri, quam suo præfecto, alia aliis præsunt; quæ sola per se stant, hic prius in ordinem redigo, de aliis paulo post acturus: 1 Chelo, 2 Tengheng, 3 Cheli, 4 Laochua, 5 Lungchuen, 6 Gueiyuen, 7 Vantien, 8 Chincang, 9 Taheu, 10 Nieuki, 11 Mangxi.

Cheli aquilæ lignum odoriferum profert. Laochua Rhinocerotes alit; Benjoin, multaque alia suavissimi odoris ligna: Laos regno vicina regio est.

Montes. Munglo mons prope Chelo est, in eo aquæ lethiferæ fons, ex quo si vel tantillum homines, aut animalia hauserint, continuo interire solent.

Prope Taheu mons est Olun horridus ac præruptus.

Cingxe mons altus ac saxosus, obscuris cavernis cavus, prope Mangxi.

Tache lacus ingens circa Tengheng, in *Flumina.* ejus medio magnus est mons, qui tamen ob lacus magnitudinem parvus appetet ex ipsa ripa.

L A N C A N G munimentum.

Hic munimento subest civitas Langkiu, quæ etiam militum habet Præfectum: sub Juena familia ad Pexing pertinuit, at Taiminga inde avulsa; Suchuen provincia finitus est hic tractus: in quo magna Muschi vis, optimi tapetes, pinorum nuces, cervique plurimi in montibus, *Poco* mons. quorum maximus Poco.

M O P A N G munimentum.

Maxime Australem ac occidentalem hujus provinciæ partem occupat hic terræ tractus, ad Austrum Mien regni est, Pegu ac Bengalæ vicinissimus, cumque vix pareat Sinis, non admodum illis notus, de quo tamen habent sequentia: piper profert, optimum stannum, equos alit præclaros, succinum fert; ad Mien regnum pertinet, fuitque ejus regia, sed Juena familia eam destruxit, magnisque præsidiis instruatum munimentum statuit: mares albis plerumque induuntur vestibus, corpus depingunt in eo varias efformantes figuræ, ut Peguani; barbam volfella radicibus extirpant, supercilia adornant, mystaces oblongos alunt, brachia ac crura annulis aureis, vel eburneis ornant, aures oblongas, perforatas annulosque insertos gerunt: uxores habent ut mancipia: mercaturæ addicti sunt, student agriculturæ, natura faciles ac dociles sunt, sed fallaces: muscho fantastique ligno in pulverem redacto corpus linunt, tenuiores lutei cujusdam ligni ramenta, seu tenuissimum pollinem adhibent; ditiores gestantur à bajulis jacentes in lecticis, aut elephantis insidentes iter faciunt: idolum Fe colunt, metempsychoseos doctrinæ addicti, sacrificulos suos amant ac venerantur: moenia habent ac civitates. hæc Sinicus auctor refert, quibus nihil admodum quod addam habeo, nisi quod hæc non parum faciant ad meliorem eorum, quæ apud M. Paulum sunt, plenioraque perceptionem. in mappa Sinica circa Mapang hæc depicta sunt loca: 1 Mopang, 2 Mengyang, 3 Mengking, 4 Meng-

T t lien,